

FEACHTAS

518 AN tSRÁID MHÓR

TAMHLACHT

BAILE ÁTHA CLIATH D24 P298

RÁITEAS AIRGEADAIS

DON BHLIAIN DAR CRÍOCH AN 31 NOLLAIG 2022

FEACHTAS

CLÁR

LEATHANACH

EOLAS	1
RÁITEAS AR FHREAGRACHTAÍ AN CHOISTE CEANNAIS	2
DEARBHÚ AN CHOISTE CEANNAIS	3
TUARASCÁIL NA nINIÚCHÓIRÍ NEAMHSPLEÁCHA	4/5
CUNTAS IONCAIM AGUS CAITEACHAIS	6
CLÁR COMHARDAITHE	7
NÓTAÍ AR NA RÁITIS AIRGEADAIS	8/9
CAITEACHAS	10

FEACHTAS

EOLAS

COISTE CEANNAIS:	Aoife Nic Lughadha, Cathaoirleach Pádraigín Nic Ghearailt, Leas-Chathaoirleach Imelda Nic Fheorais, Rúnáí Seán Ó Fearaíl, Cisteoir Anna Ní Mhonacháin Máire Nesta Nic Ghearailt Peig Ní Fhearaíl Órla Ní Óráin
PRÍOMHOIFIG:	518 An tSráid Mhór Tamhlacht Baile Átha Cliath D24 P298
STÁDAS DLÍTHIÚIL:	Óg-Eagras neamhchorpraithe
CUSPÓIRÍ:	a)An Ghaeilge a chur chun cinn i measc daoine óga b)Cuidiú le forbairt phearsanta is sóisialta an duine óig c)Cuidiú chun comhlúadar Gaelach a thógáil
INIÚCHÓIRÍ:	Bluett Conran Cuntasóirí Cairte, Comhlacht Reachtúil Iniúcháireachta 52 Plás Shéamais Thoir Baile Átha Cliath D02 R868
BAINCÉIRÍ:	Bainc-Aontas Eireann cpt An tSráid Mhór Maigh Nuad Co Chill Dara W23 F5N2

FEACHTAS

RÁITEAS AR FHREAGRACHTAÍ AN CHOISTE CEANNAIS BLIAIN DAR CRÍOCH AN 31 NOLLAIG 2022

Tá an Coiste Ceannais freagrach as ráitis airgeadais bliantúla a ullmhú de réir an Chaighdeáin um Thuairisciú Airgeadais (CTA) 102 - Alt 1A eisithe ag an gComhairle um Thuairisciú Airgeadais. Bhain siad leas as an díolúine i gCTA102 - Alt 1A ón gceanglais chun ráiteas sreabhadh airgid a ullmhú toisc go bhfuil Feachtas rangaithe mar eagraíocht bheag.

Tá iallach ar an gCoiste Ceannais ráitis airgeadais a ullmhú i gcomhair gach bliana airgeadais a thugann léargas fíor cothrom ar ghnóthaí na heagraíochta agus ar fharasbarr nó ar easnamh na heagraíochta don tréimhse sin. Agus na ráitis airgeadais sin á n-ullmhú acu ní foláir don Choiste Ceannais:


- polasaithe cuntasáíochta oiriúnacha a roghnú agus ansin iad a chur i bhfeidhm go leanúnach,
- breithiúnais agus meastacháin a dhéanamh atá réasúnta agus stuama,
- a dhearbhu ar géilleadh do chaighdeáin chuntasaíochta chuí, faoi réir ag athruithe ábhartha atá léirithe agus mínithe sna ráitis airgeadais,
- na ráitis airgeadais a ullmhú ar bhonn gnóthais leantaigh ach amháin sa chás go bhfuil sé mí-oiriúnach a cheapadh go leanfaidh an eagraíocht i mbun gnó.

Deimhníonn an Coiste Ceannais go bhfuil na riachtanais thuas comhlíonta agus na ráitis airgeadais á n-ullmhú acu.

Tá an Coiste Ceannais freagrach as taifid chuntasaíochta chuí a choimeád a léiríonn le cruinneas réasúnta stádas airgeadais na heagraíochta ag am ar bith agus a chuireann ar a gcumas bheith deimhin de go bhfuil na ráitis airgeadais ullmhaithe i gceart. Tá siad freagrach freisin as sócmhainní na heagraíochta a chosaint agus dá réir sin as céimeanna réasúnta a ghlacadh chun calaois agus gnóthaí cama eile a chosc agus a aimsiú.

A mhéid is eol don Choiste Ceannais, níl aon fhaisnéis a bhaineann leis an iniúchadh nach bhfuil a fhios ag an Iniúchóir Reachtúil agus tá na céimeanna glactha ag an gCoiste Ceannais chun iad féin a chur ar an eolas faoi aon ábhartha faisnéis iniúchta agus a chinntiú go gcuirtear na hIniúchóirí Reachtúla ar an eolas faoi aon fhaisnéis den sórt sin.

Ar son an Choiste Ceannais
AOIFE NIC LUGHADHA



SEÁN Ó FEARAÍL
16 Meitheamh 2023



FEACHTAS

BLIAIN DAR CRÍOCH AN 31 NOLLAIG 2022

DEARBHÚ AN CHOISTE CEANNAIS

Tá na ráitis airgeadais ar leathanaigh 6 go 10 á bhfaomhadh ag an gCoiste Ceannais agus deimhníonn siad go bhfuil siad freagrach astu, roghnú polasaithe cuntasáíochta cuí san áireamh, iad a chur i bhfeidhm go comhsheasmhach agus na breithiúnais thacaíochta a dhéanamh ar bhunús réasúnta agus stuama. Ullmhaíodh iad ar bhonn gnóthais leantaigh ar an mbonn go leanfaidh an eagraíocht i mbun gnóthaí.

Deimhníonn an Coiste Ceannais gur chuir siad taifid chuntasáíochta uile na heagraíochta ar fáil don iniúchóir agus tugadh dó an fhaisnéis go léir atá riachtanach chun na ráitis airgeadais a ullmhú.

Deimhníonn an Coiste Ceannais, chomh fada agus is eol dóibh agus a chreideann siad, go léiríonn na ráitis airgeadais idirbhearta uile na heagraíochta don bhliain dar críoch an 31 Nollaig 2022.

Ar son an Choiste Ceannais
AOIFE NIC LUGHADHA



SEÁN Ó FEARAÍL
16 Meitheamh 2023



FEACHTAS

BLIAIN DAR CRÍOCH AN 31 NOLLAIG 2022

TUARASCÁIL NA nINIÚCHÓIRÍ NEAMHSPLEÁCHA

DO CHOMHALTAÍ FEACHTAS

Tuairim

Tá iniúchadh déanta againn ar ráitis airgeadais Feachtas don bhliain dár críoch an 31 Nollaig 2022 ar leathanaigh 6 go dtí 10 ar a n-áirítear an Cuntas Ioncaim agus Caiteachais, an Clár Comhardaithe agus na nótaí gaolmhara. Is iad dlí na hÉireann agus caighdeáin chuntasaíochta ag cuimsigh an Chaighdeáin um Thuairisciú Airgeadais atá infheidhme in Éirinn 102 - Alt 1A (CTA102 - Alt 1A) eisithe ag an gComhairle um Thuairisciú Airgeadais. Ullmhaíodh na ráitis airgeadais seo faoi réir na bpolasaithe cuntasaíochta atá leagtha amach iontu.

Is do chomhaltaí Feachtas amháin, mar chomhlacht, a dhéantar an tuarascáil seo. Chuamar i mbun na hoibre iniúchta go bhféadfaimis a lua le comhaltaí Feachtas na nithe sin a cheanglaítear orainn a lua i dtuarascáil iniúchára agus chun na críche sin amháin. Chomh fada agus is ceadmhach dúinn de réir dlí ní ghlacaimid ná ní ghabhaimid chugainn féin freagracht do dhuine ar bith seachas do Feachtas agus do chomhaltaí Feachtas mar chomhlacht, as ár n-obair iniúchta, as an tuarascáil seo, ná as na tuairimí ar thángthamar orthu.

Freagrachtaí an Choiste Ceannais agus na n-iniúchóirí faoi seach

Mar atá mínithe níos iomláine san Ráiteas ar Fhreagrachtaí an Choiste Ceannais atá leagtha amach ar leathanach 2, tá an Coiste Ceannais freagrach as ullmhú na ráiteas airgeadais chun léargas fíor agus cothrom a thabhairt. Is é an dualgas atá orainn na ráitis airgeadais a iniúchadh agus tuairim a nochtadh orthu faoi réir dhlí na hÉireann agus na gCaighdeán Idirnáisiúnta um Iniúchta. Éilíonn na caighdeáin seo go gcloífimis le Caighdeáin Eitice do Iniúchóirí an Bhoird um Chleachtais Iniúchta.

Scóip iniúchadh na ráiteas airgeadais

Áirítear, in iniúchadh, fianaise a fháil faoi na suimeanna agus nochtadh faisnéise sna ráitis airgeadais chun dóthain cinnteachta réasúnta a thabhairt go bhfuil na ráitis airgeadais saor ó mhíshonrú ábhartha, cé acu calaois nó earráid ba chúis leis. Áirítear leis seo measúnú ar: cé acu an bhfuil nó nach bhfuil na polasaithe cuntasaíochta oiriúnach do chúinsí na heagraíochta agus cé acu an gcuirtear nó nach gcuirtear na polasaithe sin i bhfeidhm go comhsheasmhach agus an nochtar go leordhóthanach iad; réasúntacht meastachán cuntasaíochta suntasacha a rinne an Coiste Ceannais; agus cur i láthair na ráiteas airgeadais. Má thagaimid ar eolas faoi mhíríteas nó faoi nithe neamhchomhsheasamhacha ábhartha déanaimid na himpleachtaí dár dtuarascáil a mheas.

FEACHTAS
BLIAIN DAR CRÍOCH AN 31 NOLLAIG 2022

TUARASCÁIL NA nINIÚCHÓIRÍ NEAMHSPLEÁCHA

DO CHOMHALTAÍ FEACHTAS
(ar leanúint)

Tuairim ar na ráitis airgeadais

Is í ár dtuairim maidir leis na ráitis airgeadais go dtugann siad léargas fíor agus cothrom faoi réir na gCleachtas Cuntasaíochta a bhfuil gnáth-ghlacadh leo in Éirinn ar ghnóthaí na heagraíochta mar a bhí ar an 31 Nollaig 2022 agus ar a toradh don bhliain a chríochnaigh ansin.

Ábhair a éilítear orainn a thuairisciú

- Fuairamar an fhaisnéis agus na mínithe go léir a mheasamar ba ghá i gcomhair ár n-iniúchta.
- Is í ár dtuairim gur choimeád an t-eagras taifid chuntasaíochta chuí.
- Tá na ráitis airgeadais i gcomhréir leis na taifid chuntasaíochta.



Thomas Bluett

Cuntasóir Cairte

Sínithe ar a shon agus thar a cheann:

Bluett Conran

Comhlacht Reachtúil Iniúchóireachta

52 Plás Shéamais Thoir

Baile Átha Cliath D02 R868

16 Meitheamh 2023

FEACHTAS

CUNTAS IONCAIM AGUS CAITEACHAIS

DON BHLIAIN DAR CRÍOCH AN 31 NOLLAIG 2022

	2022	2021
	€	€
Ioncam		
Deontais: POBAL - An Roinn Leanaí, Comhionannais, Míchumas, Lánpháirtíochta agus Óige via Pobal		
- Scéimeanna Deontais Seirbhíse Óige	105,408	102,338
- Ciste um Cheartas Aeráide Óige	5,010	3,007
- Scéim Cistithe Caipitil Óige - (Athchóiriú Oifige)	5,322	8,191
An Chomhairle um Oideachas Gaeltachta agus Gaelscolaíochta	2,000	-
Seachtain na Gaeilge	100	100
Campa Samhraidh	1,037	903
Táillí Clárúchán	1,264	385
Teacht Isteach – Tráth na gCeist	554	-
Turais neamhrialta	899	-
Turais Scléip	951	-
Ballraíocht	-	196
Ioncam Eile	-	20
	<hr/>	<hr/>
	122,545	115,140
Caiteachas	(127,552)	(120,629)
	<hr/>	<hr/>
(Easnamh) na bliana	(5,007)	(5,489)
Farasbarr ag tús na bliana:	9,413	14,902
	<hr/>	<hr/>
Farasbarr ag deireadh na bliana	4,406	9,413
	=====	=====

FEACHTAS

CLÁR COMHARDAITHE

AR AN 31 NOLLAIG 2022

	Nóta	2022 €	2021 €
SÓCMHAINNÍ REATHA			
Féichiúnaithe agus réamhíocaíochtaí		3,180	3,708
Airgead sa bhanc		10,358	16,195
		<u>13,538</u>	<u>19,903</u>
DLITEANAS REATHA			
Creidiúnaithe	3	(9,132)	(10,490)
GLANSÓCMHAINNÍ REATHA			
		<u>4,406</u>	<u>9,413</u>
SÓCMHAINNÍ LÚIDE DLITEANAS			
		<u>4,406</u>	<u>9,413</u>
COTHROMAS			
Cuntas ioncaim agus caiteachais		<u>4,406</u>	<u>9,413</u>

Ullmhaíodh na ráitis airgeadais i gcomhréir na bhforálacha infheidhme maidir le eagraíochtaí ag brath ar an gcóras do eagraíochtaí beaga agus i gcomhréir leis an Ráiteas um Thuairisciú Airgeadais 102 - Alt 1A “An Caighdeán um Thuairisciú Ráiteas Airgeadais infheidhme in Éirinn”.


Ar son an Choiste Ceannais

AOIFE NIC LUGHADHA



SEÁN Ó FEARAÍL

16 Meitheamh 2023



FEACHTAS

NÓTAÍ AR NA RÁITIS AIRGEADAIS

DON BHLIAIN DAR CRÍOCH AN 31 NOLLAIG 2022

1. POLASAITHE CUNTASAÍOCHTA

Tá oifig Feachtas ag 518 An tSráid Mhór, Tamhlacht, Baile Átha Cliath D24 P298.

Óg-Eagras neamhchorpraithe é Feachtas.

Is í CHY15308 uimhir charthanach na gCoimisinéirí Ioncaim.

Is í 20052508 uimhir charthanach an Rialálaí Carthanas

Is é príomhghnó an eagrais ná imeachtaí don aos óg a eagrú.

Tá na ráitis airgeadais curtha i láthair in euro (€) agus is é sin freisin airgeadra feidhmiúil an eagrais.

Gnás Cuntasaíochta

Ullmhaítear na ráitis airgeadais ar bhonn gnóthais leantaigh agus faoi réir caighdeán chuntasaíochta a bhfuil gnáth-ghlacadh leo in Éirinn agus faoi reachtaíocht na hÉireann, faoi réir an Chaighdeáin um Thuairisciú Airgeadais infheidhme in Éirinn (CTA 102 - Alt 1A) eisithe ag Údarás Maoirseachta Iniúchta agus Cuntasaíochta na hÉireann.

2. FOSTAITHE

Ní bhfuair fostaí ar bith sochair fostaithe €70,000 ná níos mó riamh.

3. CREIDIÚNAITHE

	2022	2021
	€	€
Creidiúnaithe	6,961	6,931
Cáin fostaíochta	<u>2,171</u>	<u>3,559</u>
	9,132	10,490
	=====	=====

FEACHTAS

NÓTAÍ AR NA RÁITIS AIRGEADAIS

DON BHLIAIN DAR CRÍOCH AN 31 NOLLAIG 2022

(ar leanúint)

4. SEIRBHÍSÍ CURTHA AR FÁIL AG INIÚCHÓIRÍ NEAMHSPLÉACHA

Dála a lán gnóthas eile ar chóimhéid agus den chineál céanna, cuidíonn ár n-iniúchóirí linn na ráitis airgeadais a ullmhú.

5. FAOMHADH NA RÁITEAS AIRGEADAIS

Ar an 16 Meitheamh 2023 faomhadh na ráitis airgeadais ar son an Choiste Ceannais agus údaraíodh go n-eiseofaí iad.